



Broj/Број: 01/6-50-1-8-12/08
Sarajevo/Сарајево, 22.10.2008.godine

Z A P I S N I K
12. sjednice Komisije za ostvarivanje ravnopravnosti spolova,
održane 21.10.2008.

Sjednici Komisije za ostvarivanje ravnopravnosti spolova (u daljnjem tekstu: Komisija), održanoj 21.10.2008., s početkom u 13 sati, prisustvovali su sljedeći članovi Komisije: Vinko Zorić, Sead Jamakosmanović, Rifat Dolić, Mirjana Malić, Halid Genjac, Remzija Kadrić, Savo Erić i Jozo Križanović.

Opravdano je odsustvovao Jovan Todorović.

Sjednici je prisustvovao i sekretar Komisije Davorin Semenik.

Za sjednicu je usvojen sljedeći

D N E V N I R E D

1. Usvajanje Zapisnika 11. sjednice Komisije;
2. Izvještaj o posjeti delegacije Komisije za ostvarivanje ravnopravnosti spolova Parlamentu Kraljevine Švedske s prezentacijom o stanju ravnopravnosti spolova u Švedskoj i mjerama nacionalne gender politike;
3. Pripreme za javnu raspravu povodom Informacije Ministarstva sigurnosti BiH o krivičnim djelima protiv života i tijela, s naglaskom na nasilje u porodici za 2006. i 2007. godinu, te tendencijama u prva tri mjeseca 2008. godine, a po zaključku Predstavničkog doma s 36. sjednice;
4. Ostala pitanja.

Ad. 1. Usvajanje Zapisnika 11. sjednice Komisije

Zapisnik 11. sjednice Komisije usvojen je jednoglasno, bez primjedbi.

Ad. 2. Izvještaj o posjeti delegacije Komisije za ostvarivanje ravnopravnosti spolova Parlamentu Kraljevine Švedske s prezentacijom o stanju ravnopravnosti spolova u Švedskoj i mjerama nacionalne gender politike

Članovi Komisije su uz poziv dobili pisani izvještaj o ovoj tački dnevnog reda, koji je predsjedavajući Komisije dodatno obrazložio. Nakon toga je sekretar Komisije, u *power - pointu*, održao prezentaciju o stanju ravnopravnosti spolova u Švedskoj i mjerama nacionalne gender politike, te o organizaciji i funkcioniranju Institucije ombudsmena za ravnopravnost spolova.

Komisija je, nakon komentiranja pojedinih njegovih dijelova, primilo Izvještaj k znanju.

Ad.3. Pripreme za javnu raspravu povodom Informacije Ministarstva sigurnosti BiH o krivičnim djelima protiv života i tijela, s naglaskom na nasilje u porodici za 2006. i 2007. godinu, te tendencijama u prva tri mjeseca 2008. godine, a po zaključku Predstavničkog doma s 36. sjednice

Predsjedavajući Komisije ukratko je podsjetio na zaključak Doma sa 36. sjednice, kojim je naloženo da četiri parlamentarna tijela u roku od 30 dana organiziraju javnu raspravu o temi nasilja u porodici i predlože Domu zaključke. Naveo je da je ova komisija nosilac aktivnosti za organiziranje rasprave.

Nakon toga sekretar je upoznao prisutne da je veći dio priprema već obavljen, da su navedene institucije i ustanove koje će biti pozvane na raspravu, da bi publikacija Komisije o nasilju u porodici trebalo da bude štampana do sutra, te da je određen termin održavanja rasprave za 4.11.2008., a sve u dogovoru sa ostala tri parlamentarna tijela.

Članovi Komisije podržali su ono što je do sada na pripremi rasprave urađeno, te su, zbog nemogućnosti predsjedavajućeg da prisustvuje raspravi, odredili gđu Mirjanu Malić, da, u ime Komisije, predsjedava raspravi i podnese uvodno izlaganje.

Ad. 4. Ostala pitanja

a) Izborni zakon BiH i ravnopravnost spolova

U okviru ove tačke predsjedavajući je predložio da se zbog veoma malog broja žena, koje su izabrane na nedavno održanim lokalnim izborima, počne raditi na pripremama za izmjenu Izbornog zakona BiH u odredbama kojima se regulira način glasanja (otvorene liste), kako bi se stvorili uslovi za veće učešće žena u zakonodavnoj i izvršnoj vlasti.

Ovaj prijedlog je prihvaćen, pa je odlučeno da se uputi zahtjev Centralnoj izbornoj komisiji BiH za dostavljanje podataka o rezultatima lokalnih izbora u BiH u 2008., iskazanim prema spolnoj pripadnosti.

b) Saradnja s Odborom za ravnopravnost spolova Hrvatskog sabora

Komisija je upoznata sa pismom Odbora za ravnopravnost spolova Hrvatskog sabora, kojim se ova komisija poziva da, između 17. i 21. novembra ove godine, posjeti Hrvatski sabor.

Nakon toga odlučeno je da se poziv prihvati, a da se domaćinu, zbog održavanja sjednice našeg doma, predloži termin za posjetu 27. i 28. novembar, kao i da u posjetu putuju svi članovi Komisije koji budu u mogućnosti i sekretar, te da se, zbog manjih troškova, putuje automobilima.

Nakon što je realiziran dnevni red, sjednica je završena u 14 sati.

SEKRETAR KOMISIJE

Davorin Semenik

PREDSJEDAVALJUĆI KOMISIJE

Vinko Zorić